

**«Շեն Հոլդինգ» ՓԲԸ-ի կառավարման մարմինների 2016թ-ի 1-ին կիսամյակի
ԶԵԿՈՒՅՑ**

«Շեն Հոլդինգ» ՓԲԸ-ն (այսուհետ՝ Ընկերություն) շինանյութեր արտադրող հայաստանյան խոշորագույն ընկերություններից է: Մասնավորապես, 2016թ-ի 1-ին կիսամյակին (այսուհետ՝ Հաշվետու ժամանակաշրջան) (ֆինանսական հաշվետվությունը կցվում է), Ընկերությունը շարունակել է արտադրել հետևյալ տեսակի արտադրատեսակներ (ներկեր, լաքեր, չոր շաղախներ (մածիկներ և կապակցող նյութեր), բետոնե բլոկներ (պատերի ներքին և արտաքին բետոնե բլոկներ, մայթեզրի քարեր և մայթի սալիկներ), ինչպես նաև սեփական հանքերից արդյունահանահանել և որպես հումք օգտագործել է ավազ, կավիճ և գիպս: Արտադրությունից բացի Ընկերությունը զբաղվել է ապրանքների ներկրամաք և մանրածախ վաճառքով: Ընկերությունը նաև կատարել է ներքին և արտաքին շինարարական աշխատանքներ և դիզայն:

2015 թվականի 2-րդ կեսերից հետո Հայաստանի Հանրապետությունում առաջացած ծանր տնտեսական վիճակը բացասական կերպով են ազդել Ընկերության արտադրված ապրանքների սպառման և ստացվելիք եկամուտների վրա, հետևաբար մարվելիք պարտավորությունների վրա նույնպես: Տվյալ իրավիճակից դուրս գալու համար Ընկերությունը ձեռնարկում է ամեն հնարավոր միջոցներ վարկերի և տոկոսագումարների սպասարկումն անխափան դարձնելու համար: Սակայն ստեղծված ներկա իրավիճակը, մեր կողմից կատարված վերլուծությունները և կանխատեսումները ակնհայտ ցույց են տալիս, որ առանց արտաքին ֆինանսավորման և ներգրավված փոխառու միջոցների վերադասակարգման, 2016թ-ի 2-րդ կիսամյակում ևս ընկերությունը չի կարողանա ամբողջությամբ մարել այդ պարտավորությունները և դրանց տոկոսները, ինչպես նաև ավարտին հասցնել անավարտ ծրագրերը:

Ներկա պահին բանակցությունները շարունակվում են պարտավորությունների հետաձգման կամ վերաֆինանսավորման համար՝ Ընկերության վարկատու ՎԶԵԲ-ի, Էյչ-Էս-Բի-Սի Բանկ Հայաստան ՓԲԸ-ի, Համահայկական Բանկ ԲԲԸ-ի և ՎՏԲ Հայաստան ՓԲԸ-ի հետ:

Գործադիր տնօրեն

Պ. Բաղայան

**«Շեն Հոլդինգ» ՓԲԸ-ի համապատասխան պատասխանատու անձանց
ՀԱՅՏԱՐԱՐՈՒԹՅՈՒՆ**

Սույն հայտարարությունը տրվում է «Շեն Հոլդինգ» ՓԲԸ-ի (այսուհետ՝ Ընկերություն) 2016թ-ի 1-ին կիսամյակի (այսուհետ՝ Հաշվետու ժամանակաշրջան) ֆինանսական հաշվետվությունների կապակցությամբ:

Մենք ընդունում ենք մեր պատասխանատվությունը ֆինանսական հաշվետվությունների ճշմարիտ ներկայացման համար:

Մեր գիտելիքներն ու համոզվածությունը հիմք ընդունելով, պաշտոնապես հայտարարում ենք՝

Ֆինանսական հաշվետվությունները ճշգրիտ և լիարժեք ձևով արտացոլում են Ընկերության ակտիվների և պարտավորությունների, ֆինանսական վիճակի, եկամուտների և ծախսերի իրական պատկերը, ինչպես նաև

- Հաշվետու ժամանակաշրջանում չեն գրանցվել,
 - Ղեկավարության կամ աշխատակիցներից կողմից ներքին վերահսկողական համակարգի վրա կարևոր նշանակություն ունեցող խախտումներ և խարդախության դեպքեր,
 - Գործող օրենսդրության դրույթների խախտման կամ ոչ լրիվ կիրառման մասին կարգավորող մարմինների ծանուցագրեր, որոնք կարող էին ֆինանսական հաշվետվությունների վրա էական ազդեցություն ունենալ,
- Մենք չունենք այնպիսի պլաններ կամ մտադրություններ, որոնք կարող են էապես փոփոխել ֆինանսական հաշվետվություններում արտացոլված ակտիվների ու պարտավորությունների դասակարգումը կամ հաշվեկշռային արժեքը:
- Մենք չենք պլանավորում հրաժարվել գործող որևէ ծառայության մատուցումից կամ չունենք այնպիսի պլաններ ու մտադրություններ, որոնք ավելորդ կամ հնացած պաշարների առաջացման պատճառ կհանդիսանան, ինչպես նաև պաշարները գրանցված չեն իրացման գուտ արժեքից բարձր արժեքով:
- Ընկերությունը իր բոլոր ակտիվների նկատմամբ ունի վերահսկման իրավունք, և գոյություն չունի այդ ակտիվների վրա կալանք դնելու որևէ իրավունք:
- Մեր կողմից պատշաճ ձևով ֆինանսական հաշվետվություններում հաշվառվել կամ արտացոլվել են բոլոր պարտավորությունները:
- Հաշվետու ժամանակաշրջանի վերջի դրությամբ և մինչև սույն նամակի ստորագրման պահը տեղ չեն գտել այնպիսի դեպքեր, որոնք պահանջում են ֆինանսական հաշվետվությունների ճշգրտում կամ լրացում, կամ լրացուցիչ բացահայտում:
- Ընկերությունը ներգրավված չի եղել որևէ դատական պրոցեսում:
- Կազմակերպությունը գործել է կնքված պայմանագրերի պայմանների համապատասխան, որոնց չկատարումը կարող նշանակալի ազդեցություն ունենալ ֆինանսական հաշվետվությունների վրա:
- Կազմակերպության բոլոր իրացման գործարքները ավարտված բնույթի են և բացառվում են դրանց վերանայում:
- Ֆինանսական հաշվետվություններում արտացոլված վաճառքների գծով դեբիտորական պարտքերը իրենցից ներկայացնում են դեբիտորների առկա պարտքերը, որոնք առաջացել են մինչև հաշվետու ամսաթիվը կամ հաշվետու ամսաթվի դրությամբ:
- Ֆինանսական հաշվետվությունները բացահայտում են մեզ հայտնի բոլոր հարցերը, որոնք կարող են ազդել կազմակերպության ապագայում գործունեություն ծավալելու

հնարավորությունների վրա, ներառյալ էական պայմանները և դեպքերը, մեր պլանները և մտադրությունները:

- Այն դեպքերում, երբ ստացվել է կապակցված կողմերի առկայություն, մենք բացահայտել ենք կապակցված կողմերի հետ կապված բոլոր էական գործառնությունների բնույթը:
- Մեր կարծիքով, տվյալ ֆինանսական հաշվետվությունները չեն պարունակում էական խեղաթյուրումներ:
- Մենք հաստատում ենք, որ պատասխանատվություն ենք կրում ֆինանսական հաշվետվություններում ֆինանսական հաշվետվությունների միջազգային ստանդարտների համապատասխան արժանահավատ տեղեկատվություն ներկայացնելու համար:

Հ/Հ	Անուն ազգանուն	Պաշտոնը և այլ նկարագրություն	Պատասխանատու անձի պատասխանատվության շրջանակը
1	Սամվել Բեգլարյան	Տնօրենների խորհրդի նախագահ 99.91% բաժնետոմսերի սեփականատեր	Բաժնետերերի ընդհանուր ժողովի և տնօրենների խորհրդի օրենսդրությամբ և կանոնադրությամբ սահմանված պատասխանատվություն
2	Պապ Բադալյան	Տնօրենների խորհրդի անդամ, գործադիր տնօրեն	Տնօրենների խորհրդի և ընթացիկ գործունեության ղեկավարման օրենսդրությամբ և կանոնադրությամբ սահմանված պատասխանատվություն
3	Մնացական Ավետիսյան	Ֆինանսական տնօրեն - Գլխավոր հաշվապահ	Ընթացիկ գործունեության իրականացման օրենսդրությամբ, կանոնադրությամբ, ներքին կանոններով, և պայմանագրով սահմանված պատասխանատվություն
4	Արմեն Բալասանյան	Ներքին աուդիտոր	Ընթացիկ գործունեության իրականացման օրենսդրությամբ, կանոնադրությամբ, ներքին կանոններով, և պայմանագրով սահմանված պատասխանատվություն